



Ad X3

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), a u vezi člana 64. stav (1), tačka b), člana 70. stav (1), (3) i (6) Zakona o javnim nabavkama („Službeni glasnik Bosne i Hercegovine“, broj: 39/14), na preporuku Komisije za javne nabavke u Zapisniku o ocjeni ponuda broj: 03/5-49-9985-16/18 od 19.12.2018.godine, Vlada Unsko-sanskog kantona na sjednici održanoj dana 10.01. 2019.godine, d o n o s i:

O D L U K U

o izboru najpovoljnijeg ponuđača za nabavku
kancelarijskog materijala i potrepština u toku 2019. godine

Član 1.

Prihvata se Preporuka Komisije za javne nabavke za predmet ugovora „Nabavka kancelarijskog materijala i potrepština u toku 2019. godine“ i dodjeljuje se prvorangiranom ponuđaču „Grafičar“ d.o.o. Bihać, nakon provedene e-aukcije u ukupnoj vrijednosti, od 52.530,00 KM bez PDV-a, odnosno 61.460,10 KM sa uračunatim PDV-om,.

Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i objavit će se na web-stranici www.uzp.vladausk.ba, istovremeno s upućivanjem odluke ponuđačima koji su učestvovali u postupku javne nabavke.

Obrazloženje

Na osnovu Zaključka Vlade Unsko-sanskog kantona, broj: 03-017-2601/2018 od 15.08.2018. godine, Ured za zajedničke poslove je, u ime ugovornog organa Vlade Unsko-sanskog kantona objavio na Portalu javnih nabavki Obavještenje o nabavci, broj: 928-1-1-46-3-22/18 od 06.09.2018. godine, 928-1-1-46-3-23/18 od 20.09.2018.godine, 928-1-1-46-3-24/18 od 20.09.2018. godine i 928-1-1-46-3-25/18 od 05.10.2018. godine, za predmet ugovora: „Nabavka kancelarijskog materijala i potrepština u toku 2019. godine“.

Po isteku roka za podnošenja ponuda (05.10.2018. godine do 12,00 sati) evidentirane su blagovremeno zaprimljene tri ponude, i to:

1. 03/5-49-9985-5/2018- "Monne comerc" d.o.o. Bihać -05.10.2018.godine (09.45)
2. 03/5-49-9985-6/2018- „Primaprom“ d.o.o. Banja Luka–05.10.2018.godine (09.58)
3. 03/5-49-9985-8/2018- „Grafičar“ d.o.o. Bihać – 08.10.2018.godine (09.15)

Neblagovremeno pristiglih ponuda do javnog otvaranja u ovom postupku nije bilo.

Uvidom u ponude ponuđača "Monne comerc" d.o.o. Bihać i „Primaprom“ d.o.o. Banja Luka, Komisija je, na sastanku održanom 06.12.2018. godine donijela zaključak da prije utvrđivanja prihvatljivosti ponuda zatraži ispravku greške u računanju cijene, za predmet ugovora: " Nabavka kancelarijskog materijala i potrepština u toku 2019. godine“. Rok za dostavljanje ispravke je bio 12.12.2018. godine do 12,00 sati.

Ponudač „Primaprom“ d.o.o. Banja Luka je u naznačenom roku dostavio pismenu ispravku kojom je prihvatio računsku grešku, dok ponudač "Monne comerc" d.o.o. Bihać djelimično prihvata računsku grešku.

Uvidom u priloženu dokumentaciju i suštinsku provjeru sadržaja i validnosti dokumentacije, Komisija je utvrdila da je dostavljena dokumentacija ponuđača „Primaprom“ d.o.o. Banja Luka i „Grafičar“ d.o.o. Bihać ispunjavaju formalno pravne i tehničke zahtjeve ugovornog organa, te da su prihvatljive i mogu biti predmet vrednovanja. Dostavljena dokumentacija ponuđača „Monne-Comerc“ d.o.o. Bihać je potpuna, međutim kad su u pitanju uzorci koje su ponuđači bili u obavezi dostaviti da ponudom Komisija je konstatovalja da je navedeni ponuđač dostavio obične kartonske registratore, a ne plastificirane registratore (registrator A4 75 mm široki plastificirani sa metalnim mehanizmom u standardnoj kutiji i registrator A4 50 mm uski plastificirani sa metalnim mehanizmom u standardnoj kutiji), kao i PVC folija transparentna – format A4 – „U“ fascikl dostavljeno je 100 mikrona, a ne 60 mikrona kako je to traženo u tenderskoj dokumentaciji.

Nadalje, ponudač "Monne comerc" d.o.o. Bihać djelimično prihvata računsku grešku u dijelu pod stavkom 105. da umjesto iznosa 437,50 KM treba da stoji 375,00 KM, dok ne prihvata računsku grešku u ukupnom iznosu da umjesto 54.780,90 KM bez PDV-a treba da stoji 54.871,40 KM bez PDV-a. U skladu sa članom 68. stav (4) tačka g) Zakona o javnim nabavkama („Službeni glasnik Bosne i Hercegovine“, broj: 39/14) ponuda se odbacuje jer ponudač nije prihvatio ispravku greške pismenim putem.

Komisija za javne nabavke je nakon izvršene kvalifikacione i tehničke ocjene sačinila Zapisnik o početnoj ocjeni ponuda, broj: 03/5-49-8384-10/2017 od 11.09.2017. godine, te isti uputila Uredu za zajedničke poslova radi zakazivanja e-aukcije u skladu sa Pravilnikom o uslovima i načinu korištenja e-aukcije („Službeni glasnik Bosne i Hercegovine“, broj: 66/2016).

Na osnovu Izvještaja o toku i završetku e-aukcije od 17.12.2018. godine, shodno utvrđenom kriteriju „najniža cijena“ rang lista ponuđača koji su učestvovali u e-aukciji je slijedeća:

1. „Grafičar“ d.o.o. Bihać konačna cijena u iznosu od 52.530,00 KM, bez PDV-a
2. „Primaprom“ d.o.o. Banja Luka konačna cijena u iznosu od 52.600,00 KM, bez PDV

Cijeneći navedeno, ugovorni organ donosi Odluku kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od 10 (deset) dana od dana prijema ove Odluke i to u pismenoj formi i u dovoljnom broju primjeraka koji ne može biti manji od tri.

Broj: 03-017-32/2019
Bihać; 10.01.2019.godine

